

num nostrum Jesum Christum
Fílium tuum. **R.** Amen.

V. Divínū auxíliū máneat
semper nobíscum. **R.** Amen.

Deinde dicitur secreto. Pater
noster. **Ave, María, et Credo.**

AD MATUTINUM.

Dicto Pater noster. **Ave, María.**
et Credo. omissis **v.** Dómine, lá-
bia mea etc. **Invitatorio cum**
Psalmo Veníte. et **Hymno,** inci-
pitur ab **Antiphona.**

IN I. NOCTURNO.

Aña. Afférte Dómino, * fílli
Dei, adoráte Dóminum in aula
sancta ejus.

Psalmus 28.

A FFERTE Dómino, fílli Dei : * af-
férte Dómino filios arietum.

Afférte Dómino glóriam et ho-
nórem, afférte Dómino glóriam
nómini ejus : * adoráte Dóminum
in átrio sancto ejus.

Vox Dómini super aquas, Deus
majestatis intónuit : * Dóminus
super aquas multas.

Vox Dómini in virtúte : * vox
Dómini in magnificéntia.

Vox Dómini confringéntis ce-
dros : * et confrínget Dóminus
cedros Líbani :

Et commínuet eas tamquam
vítulum Líbani : * et diléctus
quemádmodum fílius unicór-
nium.

Vox Dómini intercidéntis flam-
mam ignis : * vox Dómini concu-
tiéntis desértum : et commovébit
Dóminus desértum Cades.

Vox Dómini præparántis cer-
vos, et revelábit condénsa : * et
in templo ejus omnes dicent gló-
riam.

Dóminus dilúvium inhabitáre
facit : * et sedébit Dóminus Rex
in ætérnū.

Dóminus virtútem pópulo suo
dabit : * Dóminus benedicet pó-
pulo suo in pace.

Aña. Afférte, Dómino, fílli Dei,
adoráte Dóminum in aula sancta
ejus.

Aña. Flúminis ímpetus lætíficat, allelúa : civitátem Dei, allelúa.

Psalmus 45.

DEUS noster refúgium et virtus : * adjútor in tribulatióibus, quæ invenérunt nos nimis.

Proptérea non timébimus, dum turbábitur terra : * et transferén- tur montes in cor maris.

Sonuérunt, et turbátæ sunt a- quæ eórum : * conturbáti sunt montes in fortitúdine ejus.

Flúminis ímpetus lætíficat ci- vitátem Dei : * sanctificávit ta- bernáculum suum Altíssimus.

Deus in médio ejus, non com- movébitur : * adjuvábit eam Deus mane dilúculo.

Conturbátæ sunt gentes, et in- clináta sunt regna : * dedit vo- cem suam, mota est terra.

Dóminus virtútum nobiscum : * suscéptor noster Deus Jacob.

Venite, et vidéte ópera Dómini quæ pósuit prodígia super terram:

* áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte et vidéte, quóniam ego sum Deus : * exaltábor in génti- bus, et exaltábor in terra.

Dóminus virtútum nobiscum : * suscéptor noster Deus Jacob.

Aña. Flúminis ímpetus lætíficat, allelúa : civitátem Dei, allelúa.

Aña. Psállite Deo nostro, psál- lite : psállite Regi nostro, psálli- te sapiénter.

Psalmus 46.

OMNES gentes, pláudite máni- bus : * jubiláte Deo in voce exsultatiónis.

Quóniam Dóminus excélsus , terríbilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam, * spéciem Jacob, quam diléxit.

Ascéndit Deus in júbilo, * et
Dóminus in voce tubæ.

Psállite Deo nostro, psállite : *
psállite Regi nostro, psállite.

Quóniam Rex omnis terræ
Deus : * psállite sapiénter.

Regnávit Deus super gentes : *
Deus sedet super sedem sanctam
suam.

Príncipes populórum congre-
gáti sunt cum Deo Abraham : *
quóniam dii fortes terræ vehe-
ménter eleváti sunt.

Aña. Psállite Deo nostro, psál-
lite : psállite Regi nostro, psálli-
te sapiénter.

V. Omnis terra adóret te, et psal-
lat tibi. **R.** Psalmum dicat nóm-
ni tuo, Dómine.

Pater noster. **secreto.**

V. Et ne nos indúcas in tenta-
ciónem. **R.** Sed líbera nos a malo.

Absolutio. Exáudi , Dómine
Jesu Christe, preces servórum
tuórum, et miserére nobis, qui
cum Patre et Spíritu sancto vivis

et regnas in sæcula sæculórum.

R. Amen.

V. Jube, domne, benedícere.

Benedictio. Benedictióne per-
petua benedicat nos Pater ætér-
nus. **R.** Amen.

De Isaía Prophéta.

Lectio j. **Cap. 55.**

OMNES sitiéntes, veníte ad aquas :
et qui non habétis argéntum,
properáte, émite, et comédite :
veníte, émite absque argénto, et
absque ulla commutatióne vinum
et lac. Quare appénditis argé-
ntum non in pánibus, et labórem
vestrum non in saturitaté ? Au-
díte audiéntes me, et comédite
bonum, et delectábitur in crassi-
tudine ánima vestra. Inclináte
aurem vestram, et veníte ad me:
audíte, et vivet ánima vestra, et
fériam vobíscum pactum sempi-
ténum, misericórdias David fi-
déles. Ecce testem pópolis dedi-
eum , ducem ac præceptórem
géntibus. Tu autem, Dómine,

miserére nobis. **R.** Deo grátias.

R. Hódie in Jordáne baptizáto Dómino apérти sunt cœli, et sic ut colúmba super eum Spíritus mansit, et vox Patris intónuit : * Hic est Filius meus diléctus, in quo mihi bene complácui. **V.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Filius meus diléctus, in quo mihi bene complácui.

V. Jube, domne, benedícere.

Benedictio. Unigénitus Dei Filius nos benedícere et adjuváre dignétur. **R.** Amen.

Lectio ij. Isaiae 60.

SURGE, illumináre, Jerúsalem : quia venit lumen tuum, et glória Dómini super te orta est. Quia ecce ténebræ opérinent terram, et calígo pópulos : super te autem oriéntur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Le-

va in circúitu óculos tuos, et vi-de : omnes isti congregáti sunt, venérunt tibi : filii tui de longe vénient, et filiæ tuæ de látere surgent. Tunc vidébis, et afflues, et mirábitur, et dilatábitur cor tuum, quando convérsa fúerit ad te multitúdo maris , fortitúdo géntium vénerit tibi. Inundátió camelórum opériet te, dromedárii Mádian et Ephá : omnes de Saba vénient, aurum et thus de-feréntes, et laudem Dómino an-nuntiántes.

R. In colúmbæ spécie Spíritus sanctus visus est, patérrna vox audíta est : * Hic est Filius meus diléctus, in quo mihi bene complácui. **V.** Cœli apérти sunt super eum, et vox Patris intónuit. Hic est Filius meus diléctus, in quo mihi bene complácui.

V. Jube, domne, benedícere.

Benedictio. Spíritus sancti grá-tia illúminet sensus et corda no-stra. **R.** Amen.

Lectio iij. Isaiae 61. d et 62.

GAUDENS gaudébo in Dómino,
et exsultábit áнима mea in Deo
meo : quia índuit me vestimén-
tis salútis, et induménto justí-
tiæ circúmdedit me, quasi spon-
sum decorátum coróna, et quasi
sponsam ornátam monílibus suis.
Sicut enim terra profert germen
suum, et sicut hortus semen
suum géminat ; sic Dóminus
Deus germinábit justítiam, et
laudem coram univérsis géntibus.
Propter Sion non tacébo, et pro-
pter Jerúsalem non quiéscam,
donec egrediátur ut splendor ju-
stus ejus, et salvátor ejus ut lam-
pas accendátur.

R. Reges Tharsis, et ínsulæ mún-
nera ófferent : * Reges Arabum
et Saba dona Dómino Deo addú-
cent. **¶** Omnes de Saba vénient,
aurum et thus deferéntes. Reges
Arabum et Saba dona Dómino
Deo addúcent. **Glória Patri, et**
Filio, et Spirítui sancto. Reges

Arabum et Saba dona Dómino
Deo addúcent.

IN II. NOCTURNO.

Aña, Omnis terra adóret te, * et
psallat tibi : psalmum dicat nó-
mini tuo, Dómine.

Psalmus 65.

JUBILATE Deo, omnis terra, psal-
mum dícite nómini ejus : * da-
te glóriam laudi ejus.

Dícite Deo : quam terribília
sunt ópera tua, Dómine ! * in
multitúdine virtútis tuæ men-
tiéntur tibi inimíci tui.

Omnis terra adóret te, et psal-
lat tibi : * psalmum dicat nómini
tuo.

Veníte, et vidéte ópera Dei : *
terríbilis in consíliis super fílios
hóminum.

Qui convértit mare in áridam,
in flúmine pertransíbunt pede : *
ibi lætabimur in ipso.

Qui domináatur in virtúte sua
in æténum, óculi ejus super
gentes respíciunt : * qui exáspe-

rant, non exaltentur in semetípsis.

Benedícite, gentes, Deum no-
strum : * et audítam fácite vocem
laudis ejus.

Qui pósuit ánimam meam ad
vitam : * et non dedit in com-
motiónem pedes meos.

Quóniam probásti nos, Deus :
* igne nos examinásti, sicut ex-
aminátur argéntum.

Induxísti nos in láqueum, po-
suísti tribulatiónes in dórso no-
stro : * imposuísti hómines super
cápita nostra.

Transívimus per ignem et a-
quam : * et eduxísti nos in refri-
gérium.

Introíbo in domum tuam in ho-
locáustis : * reddam tibi vota
mea, quæ distinxérunt lábia mea.

Et locútum est os meum, * in
tribulatióne mea.

Holocáusta medulláta ófferam
tibi cum incénso aríetum : * óf-
feram tibi boves cum hircis.

Veníte, audíte, et narrábo, o-

mnes qui timétis Deum, * quanta
fecit ánimæ meæ.

Ad ipsum ore meo clamávi, *
et exaltávi sub lingua mea.

Iniquitatē si aspéxi in corde
meo, * non exáudiet Dóminus.

Propterea exaudívit Deus, *
et atténdit voci deprecatiónis
meæ.

Benedíctus Deus, * qui non a-
móvit oratióne meam, et misé-
ricórdiam suam a me.

Aña. Omnis terra adóret te, et
psallat tibi: psalmum dicat nó-
mini tuo, Dómine.

Aña. Reges Tharsis * et ínsulæ
múnera ófferent Regi Dómino.

Psalmus 71.

Deus, judícum tuum regi da:
* et justitiā tuam filio re-
gis:

Judicáre pópulum tuum in ju-
stitia, * et páuperes tuos in judí-
cio.

Suscípiant montes pacem pó-
pulo, * et colles justitiā.

Judicabit páuperes pópuli, et salvos fáciet fílios páuperum : * et humiliabit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in vel-
lus : * et sicut stillicídia stillán-
tia super terram.

Oriétur in diébus ejus justitia,
et abundántia pacis : * donec au-
ferátur luna.

Et dominábitur a mari usque
ad mare : * et a flúmine usque ad
térmilos orbis terrárum.

Coram illo prócident Æthío-
pes : * et inimíci ejus terram lin-
gent.

Reges Tharsis et ínsulæ múnera
ófferent : * reges Arabum et Saba
dona addúcent :

Et adorábunt eum omnes reges
terræ : * omnes gentes sérvientei :

Quia liberábit páuperem, a po-
ténte : * et páuperem, cui non
erat adjútor.

Parcet páperi et ínopi : * et
ánimas páuperum salvas fáciet.

Ex usúris et iniquitáte rédimet
ánimas eórum : * et honorábile
nomen eórum coram illo.

Et vivet, et dábitur ei de auro
Arábiæ , et adorábunt de ipso
semper : * tota die benedícen ei.

Et erit firmaméntum in terra
in summis móntium, superextol-
létursuper Líbanum fructusejus :
* et florébunt de civitáte sicut
fœnum terræ.

Sit nomen ejus benedictum in
sæcula : * ante solem pérmanet
nomen ejus.

Et benedicéntur in ipso omnes
tribus terræ : * omnes gentes ma-
gnificábunt eum.

Benedictus Dóminus Deus Is-
rael, * qui facit mirabília solus :

Et benedictum nomen majestá-
tis ejus in ætérnū : * et replé-
bitur majestáte ejus omnis terra :
fiat, fiat.

Aña. Reges Tharsis et ínsulæ

múnera ófferent Regi Dómino.

AÑa. Omnes gentes,* quascumque fecisti, vénient, et adorábunt coram te, Dómine.

Psalmus 85.

INCLINA, Dómine, aurem tuam,
et exaudi me : * quóniam inops,
et pauper sum ego.

Custodi ániam meam, quóniam sanctus sum : * salvum fac servum tuum, Deus meus, sperántem in te.

Miserére mei, Dómine, quóniam ad te clamávi tota die : * lætifica ániam servi tui, quóniam ad te, Dómine, ániam meam levávi.

Quóniam tu, Dómine, suávis et mitis, * et multæ misericordiæ ómnibus invocántibus te.

Auribus pércepe, Dómine, orationem meam : * et inténde vocis deprecationis meæ.

In die tribulatiónis meæ clamávi ad te : * quia exaudísti me.

Non est símilis tui in diis, Dó-

mine : * et non est secúndum ópera tua.

Omnes gentes quascumque fecisti, vénient, et adorábunt coram te, Dómine, * et glorificábunt nomen tuum.

Quóniam magnus es tu, et fáciens mirabilia : * tu es Deus solus.

Deduc me, Dómine, in via tua,
et ingrédiar in veritáte tua : *
lætétur cor meum ut tímeat no-
men tuum.

Confitébor tibi, Dómine Deus
meus, in toto corde meo, * et
glorificábo nomen tuum in æter-
num :

Quia misericordia tua magna
est super me : * et eruísti án-
iam meam ex inférno inferióri.

Deus, iníqui insurrexérunt su-
per me, et synagóga poténtium
quæsiérunt ániam meam : * et
non proposuérunt te in conspé-
ctu suo.

Et tu, Dómine Deus miserátor

et misericors, * pátiens, et multæ misericordiæ, et verax.

Réspice in me, et miserére mei,
* da impérium tuum púero tuo :
et salvum fac filium ancillæ
tuæ.

Fac mecum signum in bonum,
ut videant qui odérunt me, et
confundántur : * quóniam tu, Dó-
mine, adjuvísti me, et consolátus
es me.

Aña. Omnes gentes quascum-
que fecísti, vénient, et adorábunt
coram te, Dómine.

R. Reges Tharsis et ínsulæ mún-
nera ófferent. **R.** Reges Arabum
et Saba dona addúcent.

Pater noster. secreto.

R. Et ne nos indúcás in tenta-
tionem. **R.** Sed libera nos a malo.

Absolutio. Ipsius pietas et mi-
sericordia nos ádjuvet, qui cum
Patre, et Spíritu sancto vivit et
regnat in sæcula sæculórum. **R.**
Amen.

R. Jube, domne, benedicere.

Benedictio. Deus Pater omní-
potens sit nobis propítius et cle-
mens. **R.** Amen.

Sermo sancti Leónis Papæ.

Serm. 2. de Epiphania.

Lectio iv.

GAUDETE in Dómino, dilectíssi-
mi, íterum dico gaudéte : quó-
niám brevi intervállo témporis,
post solemnitátem Nativitátis
Christi, festivitas declaratiónis
ejus illúxit : et quem in illo die
Virgo péperit, in hoc mundus
agnóvit. Verbum enim caro fa-
ctum, sic susceptiōnis nostræ
temperávit exórdia, ut natus Je-
sus et credéntibus maniféstus, et
persequéntibus esset occúltus.
Jam tunc ergo cœli enarravérunt
gloriām Dei, et in omnem terram
sonus veritatis exívit, quando et
pastóribus exércitus Angelórum
Salvatóris éditi annuntiátor ap-
páruit, et Magos ad eum adorán-
dum prævia stella perdúxit : ut
a solis ortu usque ad occásum ve-

ri regis generatio coruscaret, cum rerum fidem et regna Oriéntis per Magos díscerent, et Románum impérium non latéret.

R. Illuminare, illuminare, Jérusalem, quia venit lux tua : *Et glória Dómini super te orta est.

f. Et ambulabunt gentes in lúmine tuo, et reges in splendore ortus tui. Et glória Dómini super te orta est.

f. Jube, domne, benedícere.

Benedictio. Christus perpétuæ det nobis gaudia vitæ. **R.** Amen.

Lectio v.

NAM et sævitia Heródis volens primórdia suspécti sibi Regis extínguere, huic dispensatiōni nésciens serviébat : ut dum atróci inténtus facínori, ignótum sibi púerum indiscreta infántium cæde perséquitur, annuntiátum cœlitus dominatóris ortum insígnior ubique fama loquerétur : quam promptiōrem ad narrandum, diligentiōremque faciébat

et supérnæ significatiōnis nōvitas, et cruentissimi persecutóris impietas. Tunc autem étiam Ægypto Salvátor illátus est, ut gens antiquis erroribus dédita, jam ad vicinam salútem per occúltam grátiam signarétur : et quæ nondum ejécerat ab ánimo superstitionem, jam hospítio recíperet veritatēm.

R. Omnes de Saba vénient, aurum et thus deferéntes, et laudem Dómino annuntiántes, * Allelúa, allelúa, allelúa. **f.** Reges Tharsis et insulæ múnera offrent, reges Arabum et Saba dona addúcent. Allelúa, allelúa, allelúa.

f. Jube domne, benedícere.

Benedictio. Ignem sui amoris accéndat Deus in córdibus nostris.

R. Amen.

Lectio vij.

AGNOSCAMUS ergo, dilectissimi, in Magis adoratóribus Christi, vocatiōnis nostræ fideique primi-

tias : et exsultántibus ánimis beá-tae spei inítia celebrémus. Exínde enim in aetérnam hereditátem cœpimus introíre : exínde nobis Christum loquéntia Scripturárum arcána patuérunt ; et véritas, quam Judæórum obcæcátio non rēcipit, ómnibus natióníbus lumen suum invéxit. Honorétur itaque a nobis sacratíssimus dies, in quo salútis nostræ auctor apáruit ; et quem Magi infántem veneráti sunt in cunábulis, nos omnipoténtem adorémus in cœlis. Ac sicut illi de thesáuris suis mysticas Dómino múnnerum spécies obtulérunt, ita et nos de córdbus nostris, quæ Deo sunt dígna, promámus.

R. Magi véniant ab Oriénte Je-rosólymam quæréntes, et dicéntes ; Ubi est qui natus est, cuius stellam vídimus ? * Et vénimus adoráre Dóminum. **V.** Vídimus stellam ejus in Oriénte. Et vénimus adoráre Dóminum. **Glória**

Patri, et Fílio, et Spirítui sancto.
Et vénimus adoráre Dóminum.

IN III. NOCTURNO.

Aña. Veníte, adorémus eum : quia ipse est Dóminus Deus no-ster.

Hæc Aña repetitur in Psalmo , ordine infrascripto.

Psalmus 94.

VENITE, exsultémus Dómino : * jubilémus Deo salutári no-stro.

Præoccupémus fáciem ejus in confessióne : * et in psalmis ju-bilémus ei.

Aña. Veníte, adorémus eum : quia ipse est Dóminus Deus noster.

Quóniam Deus magnus Dómi-nus, * et Rex magnus super omnes Deos.

Quia in manu ejus sunt omnes fines terræ : * et altitúdines móni-tum ipsius sunt.

Aña. Veníte, adorémus eum : quia ipse est Dóminus Deus no-ster.